



Broj/Број: 01/7-50-1-53-3-12/04
Sarajevo/Сарајево: 22.03.2004.

Primljeno: 31.3.2004	Vrijednost
Org. jed.	

ZAPISNIK

Sa dvanaeste sjednice Administrativne komisije Predstavničkog doma Parlamentarne skupštine Bosne i Hercegovine, održane u prostorijama institucija Bosne i Hercegovine dana 22.03.2004 godine sa početkom u 18 sati i 20 minuta. Sjednica je trajala do 18 sati i 30 minuta.

SJEDNICI SU PRISUSTVOVALI ČLANOVI KOMISIJE: Jusufović Munib, Kragulj Nikola, Zorić Vinko, Križanović Jozo, Blagojević Mirko, Novaković Momčilo;

SJEDNICI NISU PRISUSTVOVALI: Džaferović Šefik, Ivo Miro Jović;

OSTALI PRISUTNI: Vedran Hadžović, sekretar Zjedničke službe Sekretarijata Parlamentarne skupštine Bosne i Hercegovine;

Dvanaestom sjednicom Administrativne komisije Predstavničkog doma Parlamentarne skupštine Bosne i Hercegovine, **predsjedavao je Munib Jusufović.**

Za sjednicu je predložen sljedeći :

DNEVNI RED:

1. -Usvajanje Zapisnika sa 11-e sjednice Administrativne komisije;
2. Razmatranje «Rezolucije o povlačenju iz procedure i uvođenju privremenog petogodišnjeg moratorijuma na sve zakone i odluke kojima se uvode nove privilegije izabranih dužnosnika u izvršnoj i zakonodavnoj vlasti» dr Zlatka Lagumdžije;
3. Razmatranje Zahtjeva, poslanika Morankić Muhameda, predsjedavajućeg mješovitog Kluba poslanika, za iznalaženje prostora za rad Kluba;
4. Izmirenje obaveza iz 2001 godine prema hotelu «Holiday Inn» ;
5. Donošenje Odluke o izmjenama Pravilnika o plaćama i naknadama državnih službenika i zaposlenih u Sekretarijatu Parlamentarne skupštine Bosne i Hercegovine, broj: 01,02/7-289/00 od 23.novembra 2000 godine;
(a)-Donošenje zaključka o pripremi Prečišćenog teksta Pravilnika;
(b)- Donošenje zaključaka o pripremi Prečišćenog teksta Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine od 11.aprila 2000.;
6. Imenovanje članova u Ad hoc komisiju za izbor i imenovanje u skladu sa članom 2 Zakona o izmjenama i dopunama Izbornog zakona Bosne i Hercegovine (Sl. glasnik BiH broj 4/04);
7. Dogovor oko daljih aktivnosti o izboru člana Izborne komisije Bosne i Hercegovine u skladu sa članom 2.5 stav 5 Izbornog zakona Bosne i Hercegovine (Sl. glasnik BiH broj: 23/01, 7/02, 9/02, 20/02, 25/02-ispravka i 4/04);
8. TEKUĆA PITANJA:
(a)- Zahtjev Vinka Zorića za naknadu troškova nastalih zbog izgubljenog prtljaga prilikom službenog putovanja u Pariz;
(b)- Razmatranje pismene reakcije Foruma parlamentaraca na Zakon o statusu poslanika;

Prisutni članovi, Administrativne komisije Predstavničkog doma Parlamentarne skupštine Bosne i Hercegovine, **su jednoglasno usvojili predloženi dnevni red.** Pošto je usvojen dnevni red, pristupilo se razmatranju istog, po pojedinačnim tačkama.

AD-1 Zapisnik sa 11-e sjednice Administrativne komisije **usvojen je jednoglasno bez primjedbi.**

AD-2 Ova tačka dnevnog reda **jednoglasno je odložena za narednu sjednicu Administrativne komisije.**

AD-3 Ova tačka dnevnog reda **jednoglasno je odložena za narednu sjednicu Administrativne komisije.**

AD-4 Po ovoj tački dnevnog reda obrazloženje je dao Vedran Hadžović, sekretar Zajedničke službe. Po obrazloženju priloženog materijala za ovu tačku dnevnog reda, Momčilo Novaković je upozorio prisutne na Odluku Administrativne komisije po kojoj je najviši odobreni iznos za noćenje 100 KM. Na osnovu pozivanja na navedenu Odluku, **Administrativna komisija je jednoglasno donijela:**

ZAKLJUČAK

I-Ova tačka dnevnog reda nije spremna za raspravljanje, pa se ista skida sa dnevnog reda dvanaeste sjednice Administrativne komisije.

II- Zadužuje se **izvjestilac** po ovoj tački dnevnog reda, da **pripremi materijal**, u skladu sa citiranom Odlukom Administrativne komisije o limitiranju najvišeg iznosa za troškove noćenja, **za narednu sjednicu Administrativne komisije.**

AD-5 Obrazloženje za ovu tačku dnevnog reda dao je Vedran Hadžović, sekretar Zajedničke službe. Po datom obrazloženju ove tačke dnevnog reda, **pripremajući** Administrativne komisije Jusufović Munib **je upozorio** na prethodna iskustva vezana za trošenje budžetskih sredstava i **izrazio mišljenje** da bi ovu tačku dnevnog reda Stručna služba trebala **dodatno obrazložiti**. Na osnovu navedenog prijedloga, Administrativna komisija **je jednoglasno donijela:**

ZAKLJUČAK:

Ova tačka dnevnog reda **odlaže se za narednu sjednicu Administrativne komisije.**

AD-5 (a) Po ovoj tački dnevnog reda obrazloženje je dala Davorka Čaplinski, sekretar Administrativne komisije Predstavničkog doma Parlamentarne skupštine Bosne i Hercegovine. Upoznala je prisutne, **da je radi velikog broja izmjena i dopuna**, Pravilnika o plaćama i naknadama državnih službenika i zaposlenih u Sekretarijatu Parlamentarne skupštine Bosne i Hercegovine broj:01,02/7-289/00 od 23. novembra 2000 godine, **potrebno napraviti Prečišćeni tekst citiranog akta.** Imenovana je upoznala prisutne **sa procedurom pristupanja izradi** Prečišćenog teksta i **potrebi da** Administrativna komisija **ovlasti sekretara da može pripremiti** Prečišćeni tekst zajedno sa sekretarom Komisije za finansijske i administrativne poslove Doma naroda Parlamentarne skupštine Bosne i Hercegovine. Pošto je razjašnjeno da se radi samo o **pripremi** Prečišćenog teksta koji će se razmatrati na Administrativnoj komisiji, **jednoglasno je usvojen:**

ZAKLJUČAK:

Ovlašćuje se sekretar Administrativne komisije Predstavničkog doma Parlamentarne skupštine Bosne i Hercegovine, da u saradnji sa sekretarom Komisije za finansijske i administrativne poslove Doma naroda Parlamentarne skupštine Bosne i Hercegovine **pripremi** Prečišćeni tekst Pravilnika o plaćama i naknadama državnih službenika i zaposlenih u Sekretarijatu Parlamentarne skupštine Bosne i Hercegovine, broj: 01,02/07-289/00 od 23. novembra 2000 godine.

AD-5 (b)- Po ovoj tački dnevnog reda obrazloženje je dala Davorka Čaplinski. Imenovana je upoznala prisutne, **sa stavom**, koji su zauzele na prvoj zajedničkoj sjednici održanoj 10.03.2003 godine, Administrativna komisija i Komisija za finansijske i administrativne poslove, **da se radi velikog broja izmjena i dopuna** Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine od 11.aprila 2000, **treba sačiniti Prečišćeni tekst citiranog akta.** Na osnovu naprijed navedenog Administrativna komisija **je jednoglasno donijela:**

ZAKLJUČAK:

I-Ovlašćuje se sekretar Administrativne komisije Predstavničkog doma Parlamentarne skupštine Bosne i Hercegovine, da u saradnji sa sekretarom Komisije za finansijske i administrativne poslove Doma naroda Parlamentarne skupštine Bosne i Hercegovine pripremi Prečišćeni tekst Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine od 11. aprila 2000 godine.

II-Imajući u vidu, da je u Odluci o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj:01,02/7-126/00 od 4. maja 2000, koja je donesena 09.04.2003 godine pod brojem:01/07,02/3-011-509/03 napravljena tehnička greška, utvrdivši članom 2, da se stav 2 i 3 briše, umjesto stava 3 i 4, Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine od 11. aprila 2000 godine, potrebno je ovu tehničku grešku otkloniti, prilikom konačne izrade Prečišćenog teksta.

AD-6 Po ovoj tački dnevnog reda obrazloženje je dao sekretar Administrativne komisije u skladu sa Dopisom Izborne komisije Bosne i Hercegovine broj:01/7-50-3-303/04 i članom 2 Zakona o izmjenama i dopunama Izbornog zakona Bosne i Hercegovine ("Sl. Glasnik BiH" broj:4/04). Pošto Administrativna komisija, u skladu sa članom 2 citiranog Zakona, imenuje tri člana iz reda svojih članova u Ad hoc komisiju za izbor i imenovanja, pristupilo se predlaganju članova za Ad hoc komisiju. Za članove u Ad hoc komisiju predloženi su: Novaković Momčilo, Zorić Vinko i Felić Hazim. Pošto nije bilo drugih prijedloga, Administrativna komisija je stavila prijedlog na glasanje i u skladu sa članom 2 citiranog Zakona, jednoglasno donijela:

ODLUKU

I-U Ad hoc komisiju za izbor i imenovanje, iz reda članova Administrativne komisije Predstavničkog doma Parlamentarne skupštine Bosne i Hercegovine, imenuju se:

- 1.Novaković Momčilo
- 2.Zorić Vinko
- 3.Felić Hazim

Ad-7 Po ovoj tački dnevnog reda obrazloženje je dao sekretar Administrativne komisije u skladu sa Dopisom Izborne komisije Bosne i Hercegovine broj:01/7-50-3-304/04 od 18.03.2004 godine. Imenovana je upoznala prisutne da je zbog velikog broja izmjena i dopuna Izbornog zakona Bosne i Hercegovine ("Sl. glasnik BiH" broj:23/01, 7/02, 9/02, 20/02, 25/02-ispravka i 4/04) otežana njegova primjena, pa se s toga javljaju nesporazumi, kao u slučaju mišljenja Izborne komisije Bosne i Hercegovine izloženog u citiranom dopisu. Imenovana je naglasila, da je upravo iz razloga razjašnjenja Dopisa Izborne komisije i tumačenja citiranog Zakona, napravila za potrebe Administrativne komisije nezvaničan prečišćeni tekst člana 2.5 i 19.1 koji je dostavljen u prilogu materijala za ovu tačku dnevnog reda. U skladu sa Dopisom Izborne komisije broj:01/7-50-3-304/04 od 18.03.2004 godine, imenovana je navela, da se ovdje radi o izboru člana Izborne komisije Bosne i Hercegovine iz reda srpskog naroda, na mjesto gospodina Branka Perića koji odlazi na drugu dužnost, a što je regulisano članom 2. 15 citiranog Zakona. Upoznala je prisutne članove Administrativne komisije sa ovom zakonskom odredbom, a koja između ostalog u navedenim slučajevima predviđa, da se novi član Izborne komisije imenuje na način i po postupku kako je imenovan prethodni član, te da mandat novog člana traje do isteka mandata prethodnog člana. Naglasila je, da je nejasan Dopis Izborne komisije kad se radi o primjeni člana 2.5 citiranog Zakona i člana 2 Zakona o izmjenama i dopunama Izbornog zakona Bosne i Hercegovine ("Sl. glasnik BiH" broj:4/04) vezano za član 2.15 citiranog Zakona. Iz napred navedenih razloga i nejasnoća koje proizilaze iz Dopisa Izborne komisije u tumačenju citiranih članova Izbornog zakona Bosne i Hercegovine ("Sl. glasnik BiH" broj:23/01, 7/02, 9/02, 20/02, 25/02-ispravka i 4/04), Jusufović Munib je predložio, da se u vezi sa ovom tačkom dnevnog reda stupi u kontakt sa Izbornom komisijom i da se razjasne tumačenja vezana za izbor novog člana Izborne komisije i ulogu Ad hoc komisije za izbor i imenovanje. Naglasio je da je najprihvatljivija varijanta, da taj postupak u skladu sa Zakonom završi Ad hoc komisija za izbor i imenovanje.

AD-8 (a) Po ovoj tački dnevnog reda Jusufović Munib je, shodno zaključku sa 11-e sjednice Administrativne komisije, postavio pitanje, da li je dato pravno mišljenje vezano za ovaj slučaj i da li po pravnom mišljenju Stručne službe postoji pravni osnov za rješavanje zahtjeva Vinka Zorića? Davorka Čaplinski je informisala predsjedavajućeg sjednice da je Pravno mišljenje, u skladu sa zaključkom sa 11-e sjednice Administrativne komisije, izrađeno i dostavljeno uz poziv za ovu sjednicu. Po njenom mišljenju postoji pravni osnov, budući da je šteta nastala na službenom putu bez krivnje podnosioca zahtjeva, a neprofesionalnim pružanjem zaštite poslaniku od strane Ambasade BiH u Parizu. Iz navedenog proizilazi da treba udovoljiti zahtjevu u skladu sa postignutom, a nerealizovanom nagodbom. Istakla je da bi pravično rješenje bilo rješenje postignuto posredovanjem Ambasade BiH u Parizu tj. da se imenovanom naknadi 50% iznosa računa za odijelo i 100% ostalo, što treba iz priloženih računa definisati, cijeneći nužne i neophodne troškove, za realizaciju svrhe službenog puta i kupljene robe koja ulazi u troškove pod ostalo. Imenovana je u skladu sa članom 33 Poslovnika Predstavničkog doma Parlamentarne skupštine Bosne i Hercegovine ("Sl. glasnik BiH" broj: 20/00) predložila Administrativnoj komisiji da formira podkomisiju koja će zajedno sa Stručnom službom i Vinkom Zorićem utvrditi koji se račun odnosi na odijelo, kako bi se umanjio za 50%, te utvrditi tačan iznos ostalog, sa priloženih računa. Naglasila je da sve ovo treba cijeliti u skladu sa svrhom puta i diplomatskim protokolom. Obzirom da se radi o poslaniku Predstavničkog doma Parlamentarne skupštine Bosne i Hercegovine, te činjenici da u međunarodnim odnosima i predstavljanju organa i institucija vladaju protokolarna pravila koja određuju i oblačenje osobe, a koja najbolje poznaje, osoba koja je vršila dužnost šefa države (kolektivnog organa), imenovana je sugerisala da se obavezno za jednog od članova podkomisije Administrativne komisije izabere Jozo Križanović. **Ova sugestija o izboru Joze Križanovića u podkomisiju Administrativne komisije je prihvaćena.** Na izlaganje Davorka Čaplinski i upozorenje da podnosilac zahtjeva odgovara za istinitost i tačnost priloženih računa, kad se radi o kupljenoj robi koja nosi svoj međunarodno poznat identifikacijski broj, reagovao je Vinko Zorić. Naglasio je da Davorka Čaplinski nema pravo govoriti na sjednici dok nedobije riječ, te istakao, da mu sekretar prijeti upozorenjem da podnosilac zahtjeva odgovara za istinitost i tačnost podataka. Naglasio je, da je od zahtjeva mislio odustati, ali da sad ostaje kod svog zahtjeva pošto je dokazao da mu to pravo pripada. Po izlaganju Vinka Zorića, Davorka Čaplinski se izvinila za nastali nesporazum, obzirom da je, upozorenje podnosiocu zahtjeva, da odgovara za tačnost i istinitost podataka, zakonska obaveza svakog organa Bosne i Hercegovine koji rješava predmet iz svog djelokruga rada, pa je imenovana u ovom slučaju samo ispunjavala svoju zakonsku obavezu. Pošto je riješen ovaj nesporazum, nastavilo se s predlaganjem članova podkomisije Administrativne komisije, pa su u podkomisiju predloženi pored Joze Križanovića, Momčilo Novaković i Jusufović Munib. Ovaj prijedlog za članove podkomisije Administrativne komisije stavljen je na glasanje. Administrativna komisija je jednoglasno donijela:

ODLUKU

I-Osniva se Podkomisija Administrativne komisije za utvrđivanje tačnog iznosa potraživanja Vinka Zorića po priloženim računima.

II- U Podkomisiju se imenuju:

-Jozo Križanović

-Munib Jusufović

-Momčilo Novaković

III Zadatak Podkomisije je, da sa Stručnom službom u prisustvu Vinka Zorića, utvrdi tačan iznos koji Vinko Zorić potražuje vezano za nerealizovanu nagodbu posrednika Ambasade BiH u Parizu sa prijevoznikom Lufthansa.

IV-Podkomisija je dužna, zajedno sa Stručnom službom iz tačke III ove Odluke za narednu sjednicu Administrativne komisije pripremiti tačan iznos računa umanjen za 50% i računa koji pokrivaju ostale nepredviđene i nužne troškove za uspješno obavljanje službenog puta u inostranstvu, utvrđene u skladu sa običajima i pravilima protokola.

Po ovoj tački dnevnog reda, Davorka Čaplinski je upozorila prisutne članove Administrativne komisije, na činjenicu da poslanik Predstavničkog doma Parlamentarne skupštine Bosne i

Hercegovine nije dobio adekvatnu zaštitu Ambasade Bosne i Hercegovine u Parizu, te da bi u skladu sa ovom činjenicom trebalo uputiti pitanje Ministarstvu inostranih poslova Bosne i Hercegovine. Jozo Križanović je podržao ovaj prijedlog naglašavajući, da to, što je ukratko iznijela Davorka Čaplinski, ima smisla. Rasprava je zaustavljena na ovom pitanju.

AD-8 (b) Ova tačka dnevnog reda **jednoglasno je odložena** za narednu sjednicu Administrativne komisije.

AD-8 (c) Na samom kraju 12-e sjednice Administrativne komisije, Vedran Hadžović, informisao je prisutne o postojanju zahtjeva vozača Čizmović Hajrudina za nabavku mobitela. Predložio je da Administrativna komisija u skladu sa postojećom Odlukom o nabavci mobitela odobri ovaj zahtjev. Predsjedavajući Administrativne komisije je stavio zahtjev na glasanje. Administrativna komisija je jednoglasno donijela:

ODLUKU

I-Odobrava se nabavka mobitela, za vozača u Sekretarijatu Parlamentarne skupštine Bosne i Hercegovine Hajrudina Čizmovića.

II-Za izvršenje ove Odluke zadužuje se Služba računovodstva Sekretarijata Parlamentarne skupštine Bosne i Hercegovine.

SEKRETAR
Administrativne komisije
Davorka Čaplinski

PREDSEDavajući
Administrativne komisije
Jusufović Munib